

Gvangjsih Minzcuz Bau

ganhhau: CN45-0036 B.2019 Nd.3 Ng.6 liggaeuq geijhailh nienz ndwencieng samcib

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3364期

Bingzgoj Yen Gyalai 5 Aen Hagdangz Son'gyauq Cuengh Gun Song Saw Vah

Mboengqneix, Bingzgoj Yen Gyauryuzgiz fat dunghcih laebdingh bi 2019 cawzcou haggeiz hainduj gyalai Daibingz Cin Cungsim Siujyoz、Yeh-hih Cungsim Siujyoz、Sinhhih Siujyoz、Bauzlez Siujyoz、Fung'vuz Cin Duihhih Cungsim Siujyoz daengj 5 aen hagdangz guh hagdangz Cuengh Gun song saw vah, haiguh hong son Cuengh Gun song saw vah, ciuq ngeih loih vunqsik guh sonhag. Daengz neix, Bingzgoj Yen hagdangz Cuengh Gun song saw vah cawz Bingzgoj Yen Hihvang Siujyoz、Fung'vuz Cin Cungsim Siujyoz song aen hagdangz yienzlaiz miz haenx le, gyalai 5 aen moq, gyonj hwnjdaeuq gaenq miz 7 aen lo.

Ciuq cam rox,《Gvangjsih Boux-

cuengh Swcigh Cuengh Gun Song Saw Vah Gyauryuz Hwngfat Gviveh(Bi 2016-2020)》mingzbeig doekdingh le aeu anbaiz ndei hagdangz Cuengh Gun song saw vah, cungdenj youq dieg lajmbanj yungh Vahcuengh daeuq ganggoj doxgyau haenx hengzguh sonhag Cuengh Gun song saw vah. Daengz bi 2020, daengx gih cungh siujyoz hengzguh son'gyauq Cuengh Gun song saw vah daengz 300 aen doxhwnj, hagseng youq hagdangz daengz 15 fanh vunz doxhwnj.《Dunghcih》iugouz Cinghsiu、Hinghningz、Denzyangz、Bingzgoj daengj 18 aen yienh(si、gih) dieg vahdeihfueng baihbak Vahcuengh aeu miz 7 aen doxhwnj. Bingzgoj Yen ok hangh banhfap neix muzdiz dwg gvancez

doeksaed gij cingsaenz vwnzgen 《Gvangjsih Bouxcuengh Swcigh Cuengh Gun Song Saw Vah Gyauryuz Hwngfat Gviveh(Bi 2016-2020)》Gvangjsih Bouxcuengh Swcigh Gyauryuzdingh daengj roek bouhmonz lienzhah yaenqfat haenx, caenh-itbouh coicaenh Cuengh Gun song saw vah gyauryuz aen yienh neix hwngfat, gungganq vunzcaiz Cuengh Gun caez rox, swnjcienz vwnzva Bouxcuengh.

Ciuq gaisau, Bingzgoj Yen 5 aen hagdangz gyalai haenx gaenq baij ok lauxsae bae caeuqfaenh swcigh gaep comz sonlien, gak hangh hong caepcawq cingq miz bouhloh haiguh.

(Vangz Lizboh/黄立波)

SIUSIK DINJ

● Mboengqneix, Denzdungh Yen Yincaz Cin Cwngfuj cujciz cin veiswnghyen、giswngh fuzvuso、swhfazsoj daengj bouhmonz comz youq ndaw haw haiguh aen hozdung bi 2019 vwnzva gohgi veiswngh “sam roengz mbanj”. Doenggvaq fat senhconz swliu, haiguh yawj bingh mbouj aeu cienz、fugsah camcaz ndangcangq、fugsah camcaz fapldw cihsiz daengj, mboujduenh dawz gohgi cihsiz、dinfwngz saedyungh caeuq fugsah fapldw soengq daengz lajmbanj bae.

(Danz Haijdz)

● Bi 2018 doxdaeuq, vih daezsang senj dieg banggunz buensenj goengrengz、dinfwngz cauhnieb, Denhngoz Yen ciuq “dinghdan、dinghgangj” son- gyauq fuengsik, hopheux gak loih giyez ndaw yienh yungh goeng aeuyungh caeuq canjnieb hwngfat saedsaeh, haiguh son- gyauq dinfwngz guh doxgaiq fwnzguh minzcuz、guh buhvaq caeuq son dajndaem mak、dinfwngz guenjieix, hawj vunz lai senj dieg banggunz ndaej couhnieb cauhnieb.

(Denz Siyenj)

● Ndwen 3 ngoenz 2, Bak-saek Si Fulenz lienzhah mizgven bouhmonz youq Baksak Swnhlinz Gvangjancz Gunghyenz banh aen hozdung aen singhgiz hen gienz mehmbwk “sam bet” bi 2019. Youq hozdung yienhciegz, bouxguh-hong fat 《Fung Saenq Ndeu Hawj Beixnuengx Nungzminzgungh Daengx Si》《Ceksaw Fuengzhoh Lwgmwbk Iq》《Cek-saw Gimqdoeg Gyaranz》daengj hawj siminz, senhconz mizgven cihsiz hen gienz mehmbwk hawj siminz.

(Cauh Fuzningz)

● Nanzdanh Yen Lozfu Cin Dangzdingh Cunh Ginbeidouh Bwzgoj Canjyez Sifangih doenggvaq “bouxak ginghci + gihdi + ranzgunzhoj + densangh bingzdaiz” guenjuh vunqsik, daiq vunz lai henzgyawj caez hwngfat dajndaem mak, saedyienh laisou vut gungz baenz miz. Seizneix, sifangih gaenq dajndaem makvoganh 200 lai moux、makmaenj henjlab 200 lai moux、makmaenj haexyangz 100 lai moux, lijimiz maknguh、makyinghdauz daengj mak dem.

(Linz Lifungh)

Sanglinz: Eu Fwen “Seiq Roek Lienz” Gvaq Cieng



Ndwen 3 ngoenz 2, ndit ronghsagsag, Duenz Heiqcuengh Fwen “Seiq Roek Lienz” Hangyenz Cin Sanglinz Yen gungh 6 boux, bae daengz ndaw suenmak Aen Gunghsw Linzcih Vujlij Cunh Mingzlieng Cin, yienjciengq “va hai nding daengx bo” daengj fwen gagcauh haenx gvaq ciengz, Song bi neix daeuq, aen heiqduenz neix cawjdoengh rapdawz mbaqrap senhconz vut gungz gung-geng cwngcwz dangj, gag bien gag yienj Fwenguengh gujli vunz lai gungzhoj dingjmaenh miz sim vut gungz, ndaej daengz vut gungz gunggeng cwngcwz bangcoh, yungh song faj fwnz gaenx guh bonjfaenh cauh ndwenngoenz vuen-yungz, ndaej vunz lai haenhndei. Ndaw doz dwg canghwen youq ndaw suenmak eu fwen.

(Lanz Cauh/蓝洲)

Cungzcoj: Doih Yienjheiq Vwnzva Roengz Mbanj Yienjheiq

Mboengqneix, Cungzcoj Si senhconz vwnzva hidungj gapbaenz aen doih yienjheiq vwnzva, bae lajmbanj yienjheiq、cuengqingj denyngj daengj gak loih vwnzva hozdung hawj vunz lai daeuq caeuqfaenh haenx, baez hozdung neix cawjdaez dwg “aen loq-sienj Cungguek gou—vwnzva haeuq fanh ranz”, haiguh doenghgij hozdung neix hawj vunz lai singz mbanj ndwenngoenz vwnzva cingsaenz ndaej fungfouq.

Aen si neix roengzsim cujciz dajveh, dungjcouz anbaiz gij minzsuz

vwnzva hozdung hingz sik lai yiengh haenx. Doengzseiz yungh gij hingz sik gagnyienh fugsah cujciz vwnzva、dijyuz、gohyoz daengj bouxvunz guzgan gak hangz gak nieb bae lajmbanj haiguh roengz mbanj yienjheiq、yienjok leih beksingq caeuq gohbuj hozdung.

Fatok giyndei ciennieb, yungh vwnzva vwnzyi soengq hohfuk bae hawj vunz lai. 30 lai ciengz vwnzyi yienjok, hawj gyoengq vunz lai youq mwh yienj fwen Bouxcuengh Cojgyangh、heiq caijdiu Bouxcuengh、

daihgingz fungcingz heiqmoeg 《Loegvet • Dienciengz》daengj ndaej roxnyinh gij yinxdaeuz fungsug cienzdoengj. Miuhhoih vunz Loegvet Byaraiz gaiq nduj youq Dieggingj Vehbangxdat Byaraiz Ningzmingz banh haenx, doenggvaq “diuzgai vunz Loegvet” “baijyienj vunz Loegvet” “gofwen vunz Loegvet” daengj hozdung, hawj vunz lai roxyiuj gij ciengzgingj ciuhgeq vunz Loegvet caeqbaiq caeuq angqhoh ngoenzciet.

(Siuh Mouyingh)